

«Dori-Darmon» aksiyadorlik kompaniyasi 2017 yil 2-chorak yakunlari bo'yicha amalga oshirilgan ishlar natijalari

1. Moliyaviy-iqtisodiy ko'rsatkichlarning bajarilishi:

Umumiy tovar aylanmasi 2017 yil 1-yarim yilligida 463,7 mlrd. so'mdan (o'tgan yilga nisbatan o'sish 114,9 foiz) iborat bo'lib, ulgurji savdo 333,59 mlrd. so'mni (o'sish 116,8 foiz), chakana savdo 130,17 mlrd. so'mni (o'sish 110,3 foiz) tashkil etdi.

2. Hajmiy ko'rsatkichlarning bajarilishi:

Farmatsevtika mahsulotlarining importi 56,5 mln. AQSh dollaridan iborat bo'ldi (o'sish o'tgan yilga nisbatan 119,7 foiz).

Kompaniya tomonidan 283,2 ming AQSh dollari miqdoridagi eksport xizmatlari ko'rsatildi.

Kooperatsiya birjasi doirasida mahalliy ishlab chiqaruvchilar bilan tuzilgan shartnomalar bo'yicha 41,8 mlrd. so'mlik (o'tgan yilga nisbatan o'sish 121,0 foiz), boshqa mahalliy korxonalaridan 8,2 mlrd. so'mlik (o'tgan yilga nisbatan o'sish 104,0 foiz) dori vositalari va tibbiy buyumlar xarid qilindi.

Aholi va davolash-profilaktika muassasalariga dori vositalari va tibbiy buyumlarni realizatsiya qilish hajmi 126,8 foizga oshdi;

Sog'liqni saqlash vazirligi tizimidagi davolash-profilaktika muassasalariga realizatsiya qilingan dori vositalari va tibbiy buyumlarning hajmi 38,7 mlrd.so'mni, imtiyozli bemorlarga – 3,8 mlrd.so'mni tashkil qildi;

Kompaniya tarkibidagi korxonalarda import o'rnini bosuvchi farmatsevtika mahsulotlarini ishlab chiqarish hajmi 8,2 mlrd.so'mga (o'tgan yilga nisbatan o'sish 117,0 foiz) yetkazildi.

Kompaniya va uning bo'linmalari tomonidan hisobot davrida qator tashkilot va muassasalarga jami homiylik yordamlari ko'rsatildi.

Jumladan:

- Ijtimoiy muhofazaga muhtoj va kam ta'minlangan oilalarga moddiy yordam ko'rsatish uchun O'zbekiston Respublikasi Vazirlar Mahkamasining 2017 yil 14 martdagi (03-30-13-sonli) yig'ilishi bayoniga asosan "Navro'z umumxalq bayrami" arafasida 99,0 mln.so'm miqdoridagi pul mablag'lari o'tkazildi;

- O'zbekiston voleybol federatsiyasiga 102,4 mln.so'm, qilichbozlik federatsiyasiga 27,18 mln so'm, gimnastika federatsiyasiga 15,0 mln.so'm, futbol federatsiyasiga 21,5 mln.so'm, shaxmat federatsiyasiga 4,0 mln. so'm, dzyudo federatsiyasiga 14,67 mln.so'm miqdoridagi pul mablag'lari o'tkazildi;

- "Sog'lom avlod uchun" xayriya jamoat fondiga 70,2 mln. so'mlik dori vositalari berildi;

- "Bolalar sportini rivojlantirish" jamg'armasiga 37,0 mln. so'm; sog'liqni saqlash va ijtimoiy muassasalarga 32,7 mln.so'm; "Baynal-Minal" nogironlar futbol klubiga 25,0 mln.so'm; futbol maktablariga 32,0 mln.so'm; nogironlar jamiyatlariga 4,53 mln.so'm; "Mahalla" jamg'armasiga 9,04 mln.so'm, "Nuroniy" jamg'armasiga 127,0 mln.so'm, Toshkent shahar hokimiyatiga 9,0 mln.so'm, jismoniy shaxslarga 40,45 mln. so'm miqdoridagi pul mablag'lari o'tkazildi.

3. 2017 yil Investitsiya dasturining bajarilishi :

- O'zbekiston Respublikasi Prezidentining 16.09.2016 yildagi PQ-2595- sonli qaroriga binoan Qashqadaryo viloyatida 2,0 mln. AQSh dollari miqdorida dorivor

o‘simlik va gilyohlar asosida ekstraktlar va dorivor moylarni ishlab chiqarish loyihasi rejalashtirilgan bo‘lib, bugungi kunda 1,7 mln. AQSh dollari miqdori miqdoriga teng summa o‘zlashtirildi. Loyiha sentyabr oyida ishga tushiriladi.

- O‘zbekiston Respublikasi Vazirlar Mahkamasining 19.01.2017 yildagi 20–sonli qarori ijrosini ta‘minlash maqsadida Qashqadaryo viloyatida 5,09 mln. AQSh dollari miqdorida yiliga 4 mln. dona quruq kukun shaklidagi antibiotik ishlab chiqarish loyihasi rejalashtirilgan bo‘lib, 960 mln. so‘mga yer maydoni sotib olindi va qurilish ishlariga 250,0 mln. so‘m ishlatildi.

Vazirlar Mahkamasining 2015 yil 20 apreldagi 32–sonli bayoni ijrosini ta‘minlash maqsadida:

- Surxondaryo viloyati Boysun tumanida 170,0 ming AQSh dollarlik dorivor o‘simlik va gilyohlar asosida turli hil dori vositalari va biologik faol qo‘shimchalarini ishlab chiqarish loyihasi bo‘yicha qurilish ishlari yakunlandi, asbob-uskunalar o‘rnatildi va hozirda dori vositalarini davlat ro‘yhatidan o‘tkazish ishlari olib borilmoqda;

- Namangan shahrida 500,0 ming AQSh dollarlik dorivor moylarini ishlab chiqarish va qadoqlash bo‘yicha liniya o‘rnatildi, qurilish-montaj ishlari yakunlandi va hozirda dori vositalarini davlat ro‘yhatidan o‘tkazish ishlari olib borilmoqda;

- Buxoro viloyatida 100,0 ming AQSh dollarlik dorivor o‘simliklardan kukun shaklidagi dori vositalarini ishlab chiqarish loyihasi bo‘yicha qurilish ishlari tugatildi va asbob-uskunalar Xitoy davlatidan yuborildi. Asbob uskunalar joriy yilning 20-25 iyulida yetib kelishi kutilmoqda.

- 2017 yilning 1-yarim yilligi davomida kompaniya va uning hududiy bo‘linmalari tomonidan jami 67 ta yangi ish o‘rinlari yaratildi;

- O‘zbekiston Respublikasi Prezidentining 2017 yil 29 martdagi PQ-2857- sonli “O‘zbekiston Respublikasida birlamchi tibbiy-sanitariya yordami muassasalari faoliyatini tashkil etishni yanada takomillashtirish chora-tadbirlari to‘g‘risida”gi qarori ijrosini ta‘minlash borasida 793 qishloq oilaviy poliklinikalarining hududlarida ijtimoiy dorixona shaxobchalarini tashkil etish bo‘yicha chora-tadbirlar rejasi ishlab chiqildi. Hozirgi kunda qishloq oilaviy poliklinikalarning 408 tasida dorixona shaxobchalari faoliyat ko‘rsatmoqda, 385 ta qishloq oilaviy poliklinikalaridan ajratilgan xonalarda qurilish-ta‘mirlash ishlari olib borilmoqda va tayyor bo‘lgan joylarga farmatsevtika faoliyati ko‘rsatish uchun litsenziya olishga hujjatlar tayyorlanmoqda.

- qishloq joylardagi aholini sifatli va arzon narxlardagi dori vositalari bilan ta‘minlash ishlarini yanada yaxshilash maqsadida “DAMAS” rusumli avtomobillarda qo‘shimcha ravishda 40 ta ko‘chma dorixona shaxobchalari tashkil qilish maqsadida “Djeneral Motors O‘zbekiston” aksiyadorlik jamiyatiga buyurtma berildi va tegishli avtosalonlarga to‘lovlar amalga oshirildi. Joriy yilning 3-choragida ko‘chma dorixonalarining umumiy soni 154 taga yetkaziladi.

4. “Xalq bilan muloqot va inson manfaatlarini yili” Davlat dasturida ko‘zda tutilgan topshiriqlarning bajarilishi:

Joriy yilning 1-yarim yilligi davomida kompaniya nomiga jami 608 ta, shu jumladan 331 ta virtual qabulxonadan, 50 ta yagona interaktiv davlat xizmatlari portali orqali, 107 ta kompaniyaning ishonch telefoniga, 17 ta kompaniyaning sayti orqali va 103 ta yozma va og‘zaki murojaatlar kelib tushgan bo‘lib, murojaatlardagi masalalar o‘z vaqtida ijobiy xal qilindi. Kompaniyaga murojaat qilayotgan fuqarolarni qabul qilish uchun Markaziy dorixona binosida aloxida xona ajratilgan.

5. Boshqa ustuvor yo'nalishlar bo'yicha amalga oshirilgan ishlar :

O'zbekiston Respublikasi Prezidentining 2016 yil 1 avgustdagi "2016-2018 yillarda iqtisodiyotning real sektoriga axborot - kommunikatsiya texnologiyalarini yanada joriy etish to'g'risida"gi PQ-2569-sonli Qaroriga muvofiq "Dori-darmon" AK ga 4 ta loyihani amalga oshirish vazifasi yuklatilgan bo'lib, ulardan 3 ta loyiha bo'yicha barcha ishlar to'liq yakunlangan.

O'zbekiston Respublikasi Prezidentining 2017 yil 14 fevraldagi "Dori vositalari va tibbiyot buyumlarini sotish, farmatsevtika faoliyatini litsenziyalash tartibini yanada takomillashtirish chora-tadbirlari to'g'risida"gi PQ-2773 Qaroriga muvofiq kompaniya tizimidagi hududiy 172 ta dorixonalar tomonidan dori vositalarini xarid qiluvchilarga identifikatsiya ma'lumotlari, ya'ni dori vositalari yoki tibbiyot buyumlarining nomi, dozasi, qadoqlash miqdori, ularni beruvchi shaxsga oid ma'lumot, harid qilingan sanasi va narxi ko'rsatilgan tovar cheklarining taqdim etilishi yo'lga qo'yildi.

O'zbekiston Respublikasi Prezidentining 2016 yil 31 oktyabrdagi "Aholini dori-darmon vositalari va tibbiy buyumlari bilan ta'minlashni yanada yaxshilashga doir chora-tadbirlar to'g'risida"gi PQ 2647-sonli qarori ijrosini ta'minlash maqsadida 2017 yilning 1 yanvaridan ulgurji savdo ustamasi 15 % dan, chakana savdo uchun ulgurji narxidan 20% dan ortiq bo'lmagan savdo ustamalari qo'llanilmoqda.

Ro'yxatga kiritilgan mahalliy hamda import dori vositalari va tibbiy buyumlar chegaralangan narxlar asosida qayta baholandi; ro'yxatdagi dori vositalarining chegaralangan narxlari to'g'risidagi ma'lumot hamda dorixonalardagi majburiy assortimentdagi dorilar ro'yxati kompaniyaning rasmiy veb sayti va dorixonalardagi iste'molchilar burchagiga joylashtirildi.

Dori-darmon vositalarini chet eldan harid qilish bo'yicha tenderda ishtirok etib, kompaniya va uning tizimidagi 3ta jamiyat 142 savdo nomidagi dori vositalari bo'yicha g'olib deb topildi. Ushbu dori vositalaridan umumiy qiymati 12,44 mln. AQSh dollariga teng bo'lgan, import shartnomalari asosida 100 nomdagi dori vositalari Respublikamizga keltirildi. Ulardan 92 nomdagi dori vositalari bojxona rasmiylashtiruvidan o'tkazilib, davolash-profilaktika mussasalariga va dorixonalar orqali sotuvga chiqarildi. Qolgan, umumiy qiymati 19,55 mln. AQSh dollariga teng bo'lgan 42 nomdagi dori vositalar joriy yilning sentyabr oyi oxiriga qadar Respublikaga keltirilishi kutilmoqda.